

Škovlâráávhu julgáštâs 2020

Väldikodálâš škovlâráávhu kulluuttui vuosmuu keerdi Tuurkust ive 1990 Taaidámuseo mieli alne. Historjálâš tábáhtusân lijiii čokkânâm ohtsis 4000 škovlâlid, máttáatteijed já rehtorid. Škovlâráávhu julgáštâs ulmen lii ovdediđ škoovlâi pyereestvaijeem já torvolâšvuodâ. Onne 19.8.2020 lii Škovlâráávhu 30. juhleihe. Taan kunnen škovlâráávhu kulluuttuvvoo oppeet Tuurkust taan tove Veritas-stadionist puoh škovlâlid, peivitišopárnáid já uáppeid.

Škovlâ kalga leđe torvolâš päikki. Tobbeen kalgeh leđe skipáreh, usteveh já rävisulmuuh, kiäid puáhtá lyettid. Tun puávtáh jieš toohâđ iärrásáid pyeri mielâ, ko išedah nuubijd já lah vuoigâlâš. Juáhháast lii vuoigâtvuotâ škovlâráávhun, já mist puohâin lii kenigâsvuotâ toohâđ škoovlâ torvolâš pirrâsin. Lii pyeri mušteđ muusketsuáldattij tubdâldâhcelkkuu "ohtâ puohâi ja puohah oovtâ peeleešt". Škovlâráávhu tergâdumos äšši lii oovtâviärdásâšvuotâ, mii väljejui taan ive teeman. Tun puávtáh olášuttid oovtâviärdásâšvuodâ, ko váaldáh skippáár kiedâst kiddâ. Taan kovvee ive tubdâldâhceelhâ "Kietâ kiedâst". Tubdâldâhceelhâ väljejui ovdil ko koronavirus lâi levânâm Suomân. "Kietâ kiedâst" -sloganiijn halijdep kuvvid tom, et veikkâ tiervâsvuodâlij suujâi tet lii motomin tergâd toollâđ kooskâ iärrásáid, te lii meiddei tergâd tuárjuđ skippáár já leđe psyykkisávt alda luis aagijn.

Maid ive teema oovtâviärdásâšvuotâ tunjin meerhâš?

Ij lah merhâšume tast maggaar tun lah, kost tun puáđáh tâi magarijd pihâsijd kiävtáh, tun lah ain siämmáá-árvusâš ko iärráseh-uv. Kuávdâš äšši lii, et kuáhtáp uđđâ ulmuid ávus já positijvlâš mieláin. Pyehtip škovlâráávhus-uv olášuttid Muumieeni vijsoduvâid nuuvt, et keččâlep uáiniđ šiev peelijd puohhâin. Ko tun váaldáh škovlâskippáár kiedâst kiddâ, te čááitáh sunjin, et tun čuázuh suu paaldâst já išedah suu. Já siämmást tun finniih olssâd pyeri mielâ.

Škovlâráávhu olášuttem ij luhostuu ohtuu, tot luhostuvá oovtâst. Škoovlâst tun jieš taarbâš leđe puohâi skippáár, mut tun koolgah tuhhiittid puohâid tagarin ko sij láá. Lii pyeri mušteđ täsivâldi president vijses saanijd. Tergâd ij lah fyysilâš ohtâvuotâ, pic psyykkisâš aldavuotâ ja ustevvuotâ.

Ilolâš ustevvuodâin tevdum škovlâihe puohhâid kietâluvâi!